

**Invit dala Uniun dles Ēles ala gita d'aisciüda:** se abinun en jöbia ai 09 de jügn dales 07:30 jö Pedraces por ji al Santuario dla Madonna di Piné, olache S. Degan se dijará la S. Mëssa. Do na bona marëna junse a Trënt a ti ciaré al Dom y al centro storico. Le cost é presciapüch de 60 €. Prenotesse pro Roberta 338/3852548 (ince WhatsApp) anter le 04 de jügn (domisdé o da sëra). Gnide para y tolesse la mascherina.

**Conzert dla Müjiga de Badia - "Frühschoppen" cun liagnes blancs** chësta domënia, ai 22 de ma dales 11:15 te Ciasa Runcher. Düc é inviá.


**Conzert de de conclujiun dla Scora de Musiga Val Badia:** en lünesc ai 30 de ma a **Al Plan** dales **17:00 te dlijia** y dales **18:00 sön paiun**. Ara sará da aldí melodies y toc musicai portá dant dales scolares y dai scolars dla Scora de musiga.

**Referat "Testamënt biologich... ciodí pa?":** aldedaincö é la medejina bona da varí tröpes maraties. Datrai sozedel indere, che da arlungé la vita dla porsona, végnel ince arlungé le patimënt o le mé. Le testamënt biologich nes dá la poscibilité de dí danfora nosta orenté, por ci che reverda les cures da fá y/o les medejines da tó ite, tl cajo che an gniss atocá da maraties che ne vá nia da varí. Tl referat jaran ite sön ci che le testamënt biologich é, can y co che an pó le fá, chi che se dëida y i. i. Le reladú é l' dr. Aichner da Bornech. Le referat é por todësch, mo an pá fá domandes ince por talian. **En jöbia, 26 de ma dales 20:00 te Ciasa Runcher.**

**La biblioteca Sas dla Crusc** inviëia a na **spazirada por imparé a conësce les erbes salvaries** che crësc tla natöra en jöbia ai 26 de ma dales 13:00 ales 16:00. Se incuntun a San Linert dan la Ciasa di Pici. Referënta: Helga Alton. Se prenoté al nr. 349/8229288 (i posc é limitá).

**Referat "Svilupé y adore la forza mentala"** en vëndres ai 27 de ma dales 19:30 te SaJ.un a La Ila cun le referent Valentin Piffrader. Le Consëi de Formaziun de Badia cun le Sorvisc ai Jogn inviëia jogn y jones.

**"La Ciamena dal Guant"** a Piculin é sëgn indô daverta vigni jöbia dales 14.00 ales 16.00.



# Plata dla Ploania Badia

San Iaco - San Linert

Ploan: Siur Iaco Wendelin Willeit  
Cell. 347 909 4532

Calonia Badia: 0471/839571

E-Mail: [parrocchiabadia@libero.it](mailto:parrocchiabadia@libero.it)


Radio dla Ploania: 91,10 Mhz

UNITÉ PASTORALA



[www.unitepastorala.org](http://www.unitepastorala.org)

Ann „C“ 22.05. – 29.05.2022 6° Domënia de Pasca n. 26



Le paraclët, le Spirit Sant,  
che le Pere menará  
te mi inom,  
chël ves insignará döt  
y ves recordará döt  
ci ch'i ves á dit.

## Vangelo dell' Ascensione del Signore - Anno "C"

Lc 24, 46-53

In quel tempo, Gesù disse ai suoi discepoli: «Così sta scritto: il Cristo patirà e risorgerà dai morti il terzo giorno, e nel suo nome saranno predicati a tutti i popoli la conversione e il perdono dei peccati, cominciando da Gerusalemme. Di questo voi siete testimoni. Ed ecco, io mando su di voi colui che il Padre mio ha promesso; ma voi restate in città, finché non siate rivestiti di potenza dall'alto». Poi li condusse fuori verso Betània e, alzate le mani, li benedisse. Mentre li benediceva, si staccò da loro e veniva portato su, in cielo. Ed essi si prostrarono davanti a lui; poi tornarono a Gerusalemme con grande gioia e stavano sempre nel tempio lodando Dio.

# FUNZIUNS SACRES

## 22.05. 6<sup>a</sup> DOMÈNIA de PASCA - Ann C

- 10.00 **Mëssa por la Comunità**  
†to Emilio Costisella  
†to Sepl Tavella / †ta Hilda Pizzinini Wieser  
18.00 por i novic Walter Valentin y Verena Tasser  
†to Friedl Castlunger / †to Aldo

## 23.05. Lünesc

- 19.30 *Devoziun de Ma abelida dal terzet*

## 24.05. Mertesc

- 19.30 †to Giovanni ( Nani ) Vittur  
vis y †ti Gasser, Morin y Pescoller  
por fam. Aldo y Rosmarie Irsara en onur a S. Maria y †to Nando

## 25.05. Mercui

- 07.30 †ta Candida Castlunger  
†ti Catarina y Riccardo Frenademetz  
†ti de Florino

## 26.05. Jöbia dles Rogaziuns

- 07.00** *Prozesciun dles Crusc da S. Linert a Oies – S.Mëssa*  
en onur de S. Ujöp da Oies por la varijiun de don Vito  
†to Iaco Pescolderungg ( dala uniun di ëi )  
†ta Maria Irsara de Biei

## 27.05. Vëndres dles Rogaziuns

- da duman degüna mëssa -

- 18.40** *Prozesciun dles Crusc da S. Linert a La Ila - Funziun*

## 28.05. Sabeda dles Rogaziuns

- 07.30** *Prozesciun dles Crusc te paisc y Mëssa*  
†ta Giovanna Canins Irsara / vis y †ti de Arturo Canins  
14.00 *Noza de Walter Valentin y Verena Tasser*  
19.30 *Devoziun de Ma*

## 29.05. FESTA dl' ASSÈNZA – Ann C

- 10.00 **Mëssa por la Comunità**  
†to Alfred Rungg  
†ti Otto y Waltraud Pizzinini  
por fam. de Paola Costisella  
11.00 *Zelebraziun dl Bato*  
15.00 *Ora de adoraziun*  
18.00 †to Erich Dapunt / †ti Lois y Anna Frena • *cianta Philia* •  
por les animes plö arbandonades en onur de düc i Sanc

# Dala VITA dla CÛRA

## Dis dles Rogaziuns

Jöbia, 26 de ma - 07:00 Prozesciun da S. Linert a Oies cun mëssa  
Vëndres, 27 de ma - 18:40 Prozesciun da S. Linert a La Ila cun funziun  
Sabeda, 28 de ma - 07:30 Prozesciun a S. Linert cun mëssa

**“Umes präia deboriada”:** chësc grup se abina en mercui ai 25 de ma dales 20:00 te dljia por n'ora de oraziun.

**Legio Mariae** inviëia düc en jöbia ai 26 de ma dales 14:00 te dljia por perié adüm.



En sabeda, ai 21.05.2022 se á uní tl Sacramënt dl MATRIMONE Michele Bajetti cun Anna Valentin. Düta la comunité ti aoda tröpa ligrëza y benedisciun de Dî sön so tru deboriada.

**Chël pa che dëida ala preparaziun di Sacramënc?** vigni sorvisc é prezios, al costa dediziun y tēmp, mo al porta ligrëza y benedisciun. Por le sorvisc de preparaziun ai Sacramënc ( Bato, 1<sup>a</sup> Comuniun, Crejima ) vëgnel pité na formaziun sceria da d'altonn tres la Unité pastorala Val Badia. Por informaziuns y iscriziun al curs tel. a Annamaria Fiung 347 5277810 cina ala fin de jügn. I aspetun osta cherdada.

**N de interessant al Seminar da Porsenú ai 28/5/2022:** le Seminar cun siur Markus Moling invëia jogn y ëi interesciá a passé n de deboriada cun n bel program, la sabeda ai 28 de ma. Da se informé y prenoté al tel. 0472/271100.

**Festa dla jonëza:** da Pasca de Ma vëgnel organisé n "Fest der Jugend" te nosta diozeja. Dai 04 ai 05 de jügn se abina jogn/jones tl dom da Porsenú a cianté, workshops, festejé y perié. Al vëgn ince dé la poscibilité da sté suranöt. Stlüta jö vëgn la festa cun na santa mëssa zelebada da nosc vësc Ivo Muser. Prenotaziuns sot: [www.pfingsten.at/veranstalter/brixen/](http://www.pfingsten.at/veranstalter/brixen/), olache an ciafa le program y dütes les infos. Da odëi ince tres livestream.